

經歷遷湖廣布政司理問卒於官好古博識在撫甯著南陽問答策遼事如指掌焉見獻集。按明史志伊附翁大立傳中云志伊歷官有聲

陳王道字孟甫為諸生二十年讀二十一史凡三過嘉靖四十四年成進士授鄆縣知縣縣豪右倚勢作姦者必捕治置之法以內艱歸補山東陽信故事九則算賦以上則供保馬而陽信列上則民殊不堪巡撫檄王道覈其平遂定陽信為中下則著為令擢南監察御史有直聲南都貢院號房向蔽以席每試值風雨如露處王道疏請易以瓦至今士子賴之王道治鄆以嚴治陽信以寬竝以才能廉慎著其卒也鄆陽信皆祀之名宦祠參王穉登撰傳

卷之二十八

人物五

名臣三

○沈璟 子自鉉

李周策

王有功

陳良模

毛壽南 子以燧

○沈瓚

吳江縣志

卷二十八

名臣

二十三

袁黃 子儼

○吳昌期

沈琦

○沈琬

○周道登

趙士諤

○沈珣 子自友孫永禮

沈璟字伯英漢會孫數歲穎悟有神童稱萬曆二年成進士時年二十二授兵部職方司主事以病免尋補禮部儀制司進員外郎改吏部稽勲司歷驗封考功二司以父喪歸復補驗封十四年左遷行人司司正十六年為順天同考官遷光祿寺寺丞以疾乞歸歸二十餘年卒年五十八其在兵禮吏三部時邊徼阨塞及各將領主名皆有手記入夾袋中親較宗藩名封諸籍不入吏手詢訪人才不令人知後復補驗封司會神宗生第三子諭封其母鄭貴妃為皇貴妃時少師申時行等請冊立皇長子為皇太子戶科給事中姜應麟請收回封鄭貴妃成命皆不聽璟乃復上言請定大本詳大典以固國脉并請皇長子母王恭妃封號按明史但載請王恭妃封號略也上怒疑璟賣直故左遷行人司司正為順天同考官所得士有李鴻為時行壻言者以為私璟不

自白及鴻成進士知上饒興稅監忤疑謗始息環性謙謹而能任事晚乃習爲和光忍辱有非意相加者笑遣之因改字聃和以自况精六書學喜誦讀遇誤字悉釐正之工詩文及行草書告歸後寄情詞曲自號詞隱生嘗評點沈義甫樂府指迷一卷增訂蔣孝南九宮十三調詞譜爲兩詞全譜二十一卷譏古今詞譜二十卷論詞六則正吳編一卷皆爲審音家所宗天啓初追錄國本建言諸臣贈璟光祿寺少卿子自鏐諸生有文行周忠毅宗建推重之

參獻集家傳

李周策字獻甫居冬米巷家貧每晨起負薪汲井供父母饌里人名其井爲孝井萬曆十一年成進士授商城知縣至除四門朝夕市稅省刑簡役民多德之擢禮科給事中歷吏兵左給事轉禮科都給事皆侃侃直諫爲忌者側目左遷兗州通判尋召復原官有請冊立東宮及陳東南荒政甯夏兵法等疏卒祀商城名宦祠

本屆忠

葉燮曰闕寺之禍歷代皆然明太祖慮患甚深內臣止給使令不許干政亦不濫設也後選錄漸多至以萬計萬曆中李周策在諫垣有嚴禁淨身男子曹進忠等

吳江縣志

卷二十八

名臣

二十四

疏葢進忠等二千名乞恩願效已發禮部周策言之侃侃頗爲時稱或曰竟以是謫兗州通判云

王有功字可大哲從元孫萬曆十一年進士除遂昌知縣有循卓聲十六年兩浙大祲米踊貴獨遂昌以賑濟有法民忘其災擢監察御史遣視陝西茶馬值堵力克等擾邊往時茶使不敢渡河有功徧巡五茶司自洮岷河湟窮塞極漠無不躬歷招市番中馬十倍時經略尙書鄭洛擁七鎮十萬師堵力克觀望不卽歸洛與相羈縻有功効洛欺蔽因陳九邊利害單騎臨邊詰問遷延狀洛恐堵力克亦尋去甯夏悖拜叛有功與總督尙書魏學會謀曰甯鎮孤逼敵巢敵合則禍益大宜疾馳靈州以斷賊援時糗糧倉卒無措便宜發帑金犒給賊旋困斃已學會被誣逮繫有功力救雪之右都御史李世達吏部尙書孫丕揚交薦其才尋按廣東黜貪吏鏹豪橫尤留心庶獄所活以千計海南妖賊作亂總督劉繼文掩殺不辜以爲功嶺海騷動有功効其貪功妄殺盜魁某挾貲聚黨負險縱恣有功密計擒之全

粵平還朝與都給事中張棟御史萬國欽等並侃直持正上視朝御講寬刑諸疏皆關大計東宮未定亟請冊立禮監田義鳳忌之激上怒獻集云田義有所求不應遂乘間中之與

諸臣俱削籍家居十餘年卒天啓初巡撫都御史王象恆特疏請卹四年二月詔贈光祿寺少卿獻集作太常有功好義廉潔歷官雖久貴不加益而親黨待以舉火者

甚眾所居風雨弗蔽沒之日幾無以為斂參獻集

陳良模字範卿性仁恕萬曆十年舉於鄉授涪州知州值楊應龍反遠近震恐良模輯甯彌縫民用不擾州有石梁百餘尺亘江中相傳水中二石魚見則為祥良

模在州石魚出人謂惠政所感後徙巴州嘗春月郊行以民方餉蠶惡鼓聲乃去鼓吹潛行戒吏卒毋得入民家尋轉慶王長史遂歸良模雅好吟咏既歸益涉獵

書記鄉里皆重其名行見獻集

毛壽南字宇徵父衢見震澤志壽南萬曆十四年成進士授山陰知縣值邑連年大水旱道殣相望壽南請蠲稅不得為弛期寬其力又捐俸勸助設糜施藥賑救

吳江縣志

卷二十八

名臣

二十五

之羣不逞乘災聚而剽壽南捕治首亂黨遂散嘗以公事出囚逸時簿攝獄壽南

日吾或堪此簿糜矣遂以自請臺使多其義不之罪越俗多以殺人相誣一訊之

家即破壽南命先輿尸驗然後訊誣乃息邑麻溪有壩壩外為天井鄉井浙江鄉志作樂

田凡三萬七千有奇江湖時溢為害乃築堤於貓山鄭家山之間以捍之民賴其

利召入拜監察御史尋以疾請歸卒壽南家風清素為官不好名以悃幅致治民

不忍欺子以煙庚子舉人官副使有詩名以焯甲辰進士官兵部郎中參文徵浙江通志

沈瓚字孝通一字子勺璟弟萬曆十四年進士授南京刑部主事進郎中時有楊

鳳者徐武甯王裔孫繩勛家奴也與婢春娥通舊志勛作勉娥作桃並誤今從家傳適繩勛孫某行

無狀父祖夜斃之其母素悉鳳娥姦因誣以殺主事論者遂欲坐鳳娥死瓚不可

又有朱邦奇者惡其子不孝弟手榜死論者疑事出邦奇庶子欲坐之瓚亦不可

皆從輕律定罪瓚所平反多此類十九年出為江西按察司僉事嘗署某州鹽政

羨金一無所染居二年乞歸年三十七主事鄒元標故知瓚欲引入東林書院瓚

曰我實之不足豈敢要名謝弗往家居未嘗以竿牘入公府遇大事又敢言無忌
自奉節儉享賓客不廢禮而止至周人之急先後數千金庶叔佐坐寃獄

佐舊志
誤作祖

今從獻集悉力營解十餘年事始白佐後死葬之廡其遺孤分產之半與之族屬繁有

不能自給者瓚捐田三百畝立義莊歲贍之年家子顧濬爲家奴所陷坐重辟瓚
知其枉白之縣時知縣劉時俊清嚴絕請託素重瓚行義立出之又露簡馳答曰
使百姓聞吾過當是時邑人不患官吏加之法而愧事不直於瓚三十六年大水
高田亦皆滄沒瓚上少保王錫爵書請蠲征發賑既得旨奉行者欲踏勘輕重瓚
復作勘災歌諷知縣馮任任感動瓚復建救災議十二條任便宜行之全活無算
兄璟以聲伎寄情二子頗失學瓚親教之後皆顯名侍兄疾甚恭謹沒服表經爲
位而哭極哀四十年撫按交章薦起補廣東按察司僉事入境疾作卒年五十五
後十年士民祀之鄉賢祠路人旁觀有泣下者所著有靜暉堂集節演世範數言
行世近事叢殘二卷藏於家

參獻集
家傳

吳江縣志

卷二十八

名臣

二十六

袁黃字坤儀趙田人家世讀書有著述黃少孤苦學善屬文其祖贅嘉善及氏因
補其邑諸生名籍籍起歲大祲嘉善知縣許某問策於黃黃引洪範五行及管輅
邵雍語以對許令大服乃闢書院令高才生從受經隆慶四年舉於鄉負笈者雲
集指授文規往往得雋去萬曆十四年成進士黃以善談時務著甫釋褐奉都御
史劄清覈蘇松錢糧黃上賦役議一曰分賦役以免混派二曰清加派以絕影射
三曰修實政以省兵餉四曰查派剩以杜加賦五曰免協濟以恤窮民又請減額
外加徵米銀十餘條豪猾以不便已爲浮言眩當事沮格不行識者嘆焉十六年
謁選授寶坻知縣邑賦畝二分有奇諸役編派反倍之車運皇木役最疲黃建議
請乘漕艘未集由會通河運入而移皇木厰於三賢祠北使濱水受木且去京師
近取給便臺使爲之奏報可因盡革重夫重馬採石及箭手諸役省派里甲銀正
賦外無擾焉內臣開厰督貢銀魚爲民厲黃上書閣臣謂魚自海抵邑自邑抵京
道紆易敗請由海濱馳至京以應上供閣臣奏允之自是中貴不至潞藩之國隣

邑多科賦爲公費水淺舟膠留頓則費逾廣黃令囊沙壅下流水滿舟易達及舟至則起沙囊更壅其下不移日越境去邑田窪下比歲大潦黃浚治三仝河築堤捍之海水時溢入爲患令海岸多植柳高數尺潮退沙遇柳輒淤漸成堤因於堤內治溝塍課耕種曠土大闢是時薊鎮主客兵不滿十二萬葉志云且二十萬今從文徵而年例銀及屯田民運諸項計一百五十萬巡撫以黃曉暢邊事檄令酌議乃列十事以獻一革養軍虛費二汰臺兵冗員三謹撫賞機宜四定市馬良法五復舊耕額田六廣山林種植七興險阻水利八增將領供給九置輕舉便利十覈器械冒濫又兵備王某令議防海事宜及軍民利病黃各列八款上之語皆碩畫二十年擢兵部職方司主事適倭侵朝鮮朝廷大舉東征黃甫到部經略薊遼宋應昌疏請黃贊畫軍前兼督朝鮮兵政大帥李如松以封貢給倭提精兵襲平壤所部遼兵割高麗人首獻功黃馳諭禁之且面數如松以襲封殺降之罪如松大恨與贊畫郎中劉黃裳比而媒孽其短乃自引兵東不昇一卒倭酋清正來襲黃率麾下及朝

吳江縣志

卷二十八 名臣

二十七

鮮兵三千擊却之如松旋敗於碧蹄館兵部尙書石星意遂主款黃亦以將驕兵罷上書於星而如松遂以十罪列黃未幾拾遺疏劾在寶坻時縱民逋稅革職歸十餘年卒年七十四熹宗立吏部尙書趙南星追叙東征功贈尙寶司少卿黃好奇尙博凡河洛象緯律呂水利河渠韜鈴賦役屯田馬政以及太乙奇門六壬岐黃勾股堪輿星命之學莫不洞悉原委撰有成編嘗受兵法於終南劉隱士遂服黃冠獨行塞外者經年九邊形勝山川營堡歷歷能道之其贊畫東征也言歲星厯尾爲遼分野朝鮮屬焉今色不青而白此兵徵乃倭入朝鮮之應然朝鮮得歲而倭伐之倭將有內變朝鮮必復國後果如其言黃嘗爲張居正客居正議正樂依古法造密室三重又依蔡氏多截管以候氣不應使黃視之曰候氣之室宜擇閒曠地今瓦礫叢積則地氣不至一不合也外室之牆宜入地三尺二重木室入地一尺六寸三重木室入地七寸六分今皆不然僅可固地上之氣而不可固地中之氣二不合也室三重各啓門爲門之位外之以子中之以午內復以子所以

反覆而固氣也今皆面午三不合也聲氣之元寄之象數有自然之理今所截衆管大小不倫四不合也天之午常偏於丙二分有半今日圭所測是也地之午常偏於午二分有半冬至候黃鐘之管宜埋壬子之中位一而已豈可多截管乎五不合也居正如黃言擇地天壇之南隅候之飛灰果應居正大喜欲屬以正樂之事黃請先改歷法語不合遂謝去黃嘗受歷法於長洲陳壤其法本回回歷而以監法會通之更定歷元糾正五緯號爲詳密有歷法新書黃著書甚富多散佚今惟兩行齋集十四卷群書備考二十卷梓行子儼亦博學有文名天啓五年進士授高要知縣卒於官

參獻集文徵

吳昌期字際之洪元孫父翼修武知縣昌期徙居嘉興中萬曆十三年舉人署東陽教諭陞國子監正歷工部員外郎時逆璫魏忠賢勢方熾昌期疏劾內臣侵冒語激切忤璫會中書吳懷賢以罵璫繫獄復遣書美昌期璫聞益怒遂削籍歸一日與工部岳元聲奕荷亭外傳有緹騎謂必逮已及元聲因曰一池清水我與公

吳江縣志

卷二十八

名臣

二十八

死所母爲閭辱旣知逮嘉善魏大中昌期拏艇往送之相與執手痛哭緹騎怒弗顧也崇禎改元起本部郎中累遷貴州按察司副使年七十八卒祀嘉興府縣學鄉賢祠

本屆志

沈琦字仲玉漢晉孫父倬見文學傳琦少孤有成人度受學杜偉毛圖南治經論文俱有家法訓二弟琬琇莊嚴若師萬曆二十三年與弟琬同成進士後十年琬復繼之時以爲榮琦初授淄川知縣爲政寬厚而英敏民有訟片言立決非犯大禁時有所縱舍其徵稅銀刻輪期布之邑中不事敲朴完納無後期者故事稅銀有羨餘以給吏胥公用琦謂吏胥曰民急公若是爾輩無所勞費乃更牟羨餘充私橐耶遂悉除去礦稅太監陳增方恣橫守令觸之立碎將至縣議開採琦以爲擾民致盜乃草疏橐數千言白上官曰彼來必不令得志儻職卑不足以當之則上此疏於朝又卽以白上官語宣言於吏士且曰母老身病方借此圖歸耳增聞遂不敢至境內晏然視學課士拔善文者六人曰是必得舉及秋六人無一遺皆

號為神目。居二年以母憂去。邑人悲泣送至數百里外。復立生祠事之。服闋補高陵縣。未而月調三原縣。三原素號難治。琦理之如淄川。稍濟以威。邑遂大治。琦入覲。還知稅監梁永收姦民賈維翰等為參隨使。在縣作姦。恐唱民財至數萬。琦乃託病臥陰。令健卒四出盡縛維翰等。到官而永以計誑去半載。不出。琦大憤。草疏擬上。永聞之懼。遂出維翰等。琦盡置之。法自是永諸參隨不敢為暴。三十二年以禮部主事徵入。疽發背卒。年四十九。三原淄川並祀之。學宮琦性廉潔。終身不苟。一介卒之日。幾無以為斂。琦長於簡札。尤工案牘。故在官無掌記者。所著有家塾私語詩文雜彙藏於家。參獻集濟南府志家傳

沈琬字季玉。性端孝。幼孤。哭盡哀。少長力學。童子試輒躋時外家孫氏貴顯。屬督學。拔琬聞之。托疾不試。人皆歎異之。萬歷二十三年成進士。王志堅蘇州府志云琬文有精理

甫觀政。念母老。即乞歸養。母卒。服闋。補鳳陽府教授。轉南京國子監學正。久之遷刑部主事。累進郎中。理滯獄。雪冤濫用吏部郎中張鳳翔薦為山東東昌知府。東

吳江縣志

卷二十八

名臣

二十九

昌張某者。鳳翔之季父也。數倚勢犯禁。吏莫敢問。琬至任。即捕下獄。置之。法曰。此吾所以報張公也。屬縣輸稅銀有羨。餘吏曰。此銜入例。衡出亦然。交接上官。禮胥自此出。琬叱曰。我不受人饋。我豈饋人將安用此。貯庫為百姓。他日用。自是賄賂遂絕。僚吏亦皆效之。琬為吏。虛公慮。周恐治事有差。失與府中朱少傅。延禱為喜。聞會月再聚。共相規切。遂習知地方利弊。故所布教條。深中民隱。有訟其庭者。琬輒以禮義利害開陳。曲譬令歸。自省不事刑罰。民間亦輒愧悔。後一年。父老常誠。其子弟曰。母生事以勞。瀆太守。漸至獄。庭草生。吏卒不親。獄具嘗遇大旱。琬步行。禱諸神祠。雨卒霑。是歲。濟南人相食。東昌猶贍糜粥。福王就國中。人所在橫暴。道經臨清。臨清東昌屬州也。關梁要衝。百貨闖溢。琬先令諸賈閉肆以待。及至無所得。擾遂去。萬曆四十三年以治行第一。擢本省按察司副使。分巡兗東道。時兗州旱蝗。大飢。殍殍蔽野。巨盜劉好問孫可訓聚眾作亂。僚屬畏禍。各托故致事。琬先遣家累南歸。兼攝數印。發廩賑給。擒盜魁。斬之。復捐俸置常平倉。招集流亡。安

撫村聚戶口不大減耗次年麥大熟乃乞致仕兗州士民攀轅悲泣罷市琬改衣易輿始得去琬之官必舁輓自隨出入敝輿屏儀從過驛舍飲食必自給既致仕屏居吳山足不入城絕賓客時知縣某以琬與巡撫同年將有所求候琬山中終日不得見從牖隙窺之見其容深自慚沮不陳請而歸後神宗升遐哭臨自山中至縣庭邑人聚觀以爲古人年六十一卒琬居官二十餘年布袍蔬食所生子貧不能育多寄食他氏官刑部時歲大侵諸子多緣岸采蔓菁煮糝粥餬口琬之清節人比之胡威吳隱之云沂州東昌竝祀名宦

參獻集法傳錄行狀

周道登字文岸少有器識儀觀甚偉萬曆二十六年成進士李文清廷機盛稱其才選庶吉士授編修四十年陞司業署國子監事累遷至少詹事兼侍讀學士泰昌初以禮部左侍郎署部事天啓改元充經筵講官時連遭大喪又值熹宗大婚典禮殷繁道登拮据贊襄皆有條理

明史本傳云天啓時爲禮部左侍郎頗有所爭執

二年補日講官五

年秋廷推禮部尚書力請告歸時逆閹忠賢執國柄道登弗阿遂削籍爲民七年

吳江縣志

卷二十八

名臣

三十

冬莊烈帝立首重閣臣之選上自祝天取會推諸臣姓名置金瓶中卜之得錢龍錫六人道登與焉召爲東閣大學士陛見陳三事一曰守祖制二曰秉虛公三曰責實效上皆嘉納一日發本內有明日請旨改票簽道登持之以請曰履霜堅冰漸不可長今若此是去一忠賢復來一忠賢也司禮監王某因得罪羣閹側目尋以奢僨平推恩輔臣加道登太子太保進文淵閣會選庶吉士道登所取朱統錦爲南昌宗室臺省議其違制道登曰國家惟才是與今宗人例得入仕既可外職奈何獨限其詞林乎言者無以難然齟齬益力崇禎二年春御史任贊化等交章論列上遂勒令致仕歸就道復疏言薊門重地兵額不宜過汰家居一年卒值溫體仁當國賜祭葬咸殺禮道登居家孝友事兄如事父居官清慎當黨議方張道登特持平一無所徇裁冒濫杜請謁自掌禮曹至入相朝廷屢有恩蔭皆堅辭不受

參獻集

潘樞章曰公爲相僅踰年卽致仕去其入告動以法祖爲言而統錦之選庶常

反以違制見譏夫祖宗朝未嘗有宗人入仕之禁而有司奉行過爲拘制及
四民之途既開宗室有才藝者已蒸蒸嚮用而獨不使入中秘備顧問何示
人以不廣也若謂同姓不可當國則唐李適之宋趙汝愚伊何人哉然則公
之得罪正以其守法非違制也公於先大父爲外兄弟故得備聞其遺事要
之救時之略或非所長而清嚴慤直以視古大臣亦無愧矣

朱鶴齡曰周公文岸以選貢入北雍受知李文清公得入詞館天啓辛酉春
公爲禮部侍郎署部事時值大婚公受命選三宮有戚畹鄭氏女入籍中公
見一筆抹之人服其持正時黨人之戰方酣公介立一無所徇李可灼進紅
丸大宗伯孫公議當加首輔以弒君之誅公獨不附其說且曰果律以春秋
之議某與諸公同在朝亦當引罪及居政府依傍東林者遂極口排詆不久
去位然公言實爲平論後世必有能辨之者錢虞山有言近代進藥之獄有
二以唐事斷之可也援春秋則迂矣世宗之升遐也與唐憲宗相似柳泌僧

吳江縣志

卷二十八 名臣

三十一

大通付京兆府杖決處死王金等之議群宜也李可灼之事與柳泌少異以
和御藥不如法之例當之可也當國之臣則有穆宗貶皇甫鎛之法在不此
之求而遠求春秋書許止之義效西漢之斷獄此不精於經義之過也吁虞
山公東林黨魁也而其言若是然則公之不附孫宗伯可不謂宰相之識哉
趙士諤字審卿歲曾孫貧而力學萬曆二十九年成進士授會稽知縣嚴干請訟
牒至卽讞決不留日徵輸則緩期待之盡除其羨姦民妄言富順永昌有礦金稅
監將行開採士諤以宋室諸陵所在力拒不可乃得寢指俸浚淤浦數十里溉田
萬餘畝民以趙公浦名之召入爲兵部職方司主事久之調吏部考功司改文選
累進郎中四十年出典陝西試後四年改考功郎中又一年主內計吏科都給事
中徐紹吉掌河南道御史韓浚佐之紹吉浚欲斥行人山陰劉宗周士諤獨不可
曰昔令會稽時嘗至宗周家親見其清操絕人今不當掛吏議紹吉浚意怏怏而
止是歲內計善類盡斥一時有大東小東一網打盡之謠宗周素以剛介自持爲

清流眉目宵人尤深嫉之而獨獲免黜由士諤力持之也遷太僕寺少卿會遼東用兵戶部議折俵馬借庫金以佐餉士諤爭之以爲折則馬空借則帑空乃止明年遷右僉都御史巡撫宣府鎮兵調援遼皆敗沒及再調士諤三上章力持之言重地撤兵倘有窺伺禍且不測會總兵劉孔穎老耄憚行嗾營兵譁於軍門士諤乃宣所上章論以朝廷威德復効孔穎斬首亂以徇事遂定尋引疾歸瀕行猶上章言張家口爲宣鎮咽喉非重兵戍之不可其後喜峯失事寇入張家口連歲告急人始服其先見吏嘗以羨金進詰之則各鎮募兵買馬例除十之二爲巡撫公費士諤却之令補調援缺額歸家後築室銅井山且營兆焉日課子孫讀書不輕謂有司惟邑中大利弊如賑荒均役諸議皆有建白所作詩文詹遠真率如其爲人與人交多氣誼周宗建被逮不避緹騎遠送之又捐貲以助焉年七十卒紹興府祀之名宦參黃宗義南雷文案

沈珣字幼玉琬弟萬曆三十二年成進士授中書舍人四十七年以監察御史巡

吳江縣志

卷二十八 名臣

三十二

按貴州時朝廷議調水西兵赴援遼東珣疏陳不便者十熹宗立疏陳太平十二要朝野推重尋病免後起爲福建右參政轉湖廣按察使歷山東左布政使濟甯爲魏忠賢建生祠大小吏咸趨拜珣獨不往崇禎三年擢右副都御史巡撫山東初遼人劉興祚因遼東陷降 本朝後自拔歸戰死永平城下其弟興治乃率餘兵居皮島而東江副總兵陳繼盛謀報興祚未死在遼東以書招興治謀共反興治大憤誘殺繼盛等二十餘人揚帆至小皮島逼處旅順窺登萊珣疏言興治在島中尙冀昭雪無必反心朝廷持之急恐激成禍亂宜遣興治信服官至島開諭許立功贖罪卽興治異志亦必潛消上乃令便宜行事珣遂戒總兵張可大等防禦遣登州同知賈名傑持檄往撫而閣部孫承宗亦遣龍武中協副總兵周文郁等曉諭之興治悔悟感泣立返皮島居無何果有青山鳳凰城之捷大安之失守也四方游弁多招集亡命詭稱勤王闖入官府苛索行糧而山東尤甚珣疏言招募宜任有司其擅聚徒衆者率皆姦猾乞嚴旨罷遣上從之各司道乃少安當興

治未返皮島時珣疏言山東爲京都咽喉江淮屏障先年設兵二萬五千自清汰
抽調之後存者萬人兵力單孱不堪禦敵頃德州已復援兵二千其登州宜再增
三千人防守海口歸戶部徵解本司餉銀羨餘數萬爲招募團練之資疏未下興
治就撫珣恐其復萌異志再疏請設備乃得復登州兵二千半歲被劾引疾歸珣
詩文有藻思工分隸書善清談而內行甚脩時與兄琦琬稱三鳳年七十卒著有
按黔撫齊二疏橐淨華庵橐行世子自友孫永禮皆工詩詞善書而詞家尤推永
禮爲吳郡詞人冠云

本獻集疏橐
參屈志家傳

屈志序珣巡按貴州事云適水蘭紛爭苗仲鵬張珣恩威兼示撫綏救輯此誤
也按神宗實錄苗仲之亂貴州巡撫張鶴鳴於萬曆四十五六兩年間以次討
平時珣尙未出巡無由撫綏若謂撫綏在其餘孽而餘孽亦何嘗救輯耶至水
蘭之釁起於四十六年五月及珣到任紛爭未止故嘗疏請飭川貴諸臣各行
嚴禁屈遂以爲撫綏救輯則過矣且珣生平自有實績而爲此鑿空杜撰之事
不可解也其下文序珣巡撫山東事謂蓮妖煽擾青萊劉興治變生倉卒珣檄
文武勦禁全省得安亦誤興治之變用撫不用勦撫齊疏橐詳之蓮妖餘黨竊
發珣任山東布政使時嘗爲周防事載墓誌行略然不云以巡撫勦禁也屈志
失考無據大都若此

吳江縣志

卷二十八 名臣

三十三

卷之二十九

人物六

名臣四

周宗建

洪祖烈 子明楨

潘有功

龐承寵 祖遠兄承穎

葉紹顒

周燦

盛王贊

薛大訓

張孝起

王景亮

鈕應斗

吳之紀 祖瑞徵

顧雲龍

錢士鉉

費洪學

周宗建字季侯尙書用曾孫

用見震澤志

萬曆四十一年進士除武康知縣調繁仁和